

**ՄԱՔՍԱՅԻՆ ՄԱՐՄԻՆՆԵՐԻ ԿՈՂՄԻՑ ՄԱՔՍԱՅԻՆ
ՀՍԿՈՂՈՒԹՅԱՆ ՏԱԿ ԳՏԵՎՈՂ ԱՊՐԱՆՔՆԵՐԻ՝ ՎԹԱՐԻ
ԿԱՄ ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅԱՆ
ՀԵՏԵՎԱՆՔՈՎ ՈՉՆՉԱՑՄԱՆ և (ԿԱՄ) ԱՆՎԵՐԱԴԱՐՁ
ԿՈՐՍՏԻ ՓԱՍՏԸ ԿԱՄ ՓՈԽԱԴՐՄԱՆ
(ՏՐԱՆՍՊՈՐՏԱՅԻՆ ՓՈԽԱԴՐՄԱՆ) ԵՎ (ԿԱՄ)
ՊԱՀՊԱՆՄԱՆ ԲՆԱԿԱՆՈՆ ՊԱՅՄԱՆՆԵՐՈՒՄ ԲՆԱԿԱՆ
ԿՈՐՍՏԻ ՀԵՏԵՎԱՆՔՈՎ ԱՅԴ ԱՊՐԱՆՔՆԵՐԻ
ԱՆՎԵՐԱԴԱՐՁ ԿՈՐՍՏԻ ՓԱՍՏԸ ՃԱՆԱԶԵԼՈՒ ԿԱՐԳԻ
ՄԱՍԻՆ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2023__ թվականի N _____-Ն

ՄԱՔՍԱՅԻՆ ՄԱՐՄԻՆՆԵՐԻ ԿՈՂՄԻՑ ՄԱՔՍԱՅԻՆ ՀՍԿՈՂՈՒԹՅԱՆ ՏԱԿ ԳՏԵՎՈՂ
ԱՊՐԱՆՔՆԵՐԻ՝ ՎԹԱՐԻ ԿԱՄ ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅԱՆ
ՀԵՏԵՎԱՆՔՈՎ ՈՉՆՉԱՑՄԱՆ և (ԿԱՄ) ԱՆՎԵՐԱԴԱՐՁ ԿՈՐՍՏԻ ՓԱՍՏԸ ԿԱՄ
ՓՈԽԱԴՐՄԱՆ (ՏՐԱՆՍՊՈՐՏԱՅԻՆ ՓՈԽԱԴՐՄԱՆ) ԵՎ (ԿԱՄ) ՊԱՀՊԱՆՄԱՆ
ԲՆԱԿԱՆՈՆ ՊԱՅՄԱՆՆԵՐՈՒՄ ԲՆԱԿԱՆ ԿՈՐՍՏԻ ՀԵՏԵՎԱՆՔՈՎ ԱՅԴ
ԱՊՐԱՆՔՆԵՐԻ ԱՆՎԵՐԱԴԱՐՁ ԿՈՐՍՏԻ ՓԱՍՏԸ ՃԱՆԱԶԵԼՈՒ ԿԱՐԳԻ ՄԱՍԻՆ

Հիմք ընդունելով Եվրասիական տնտեսական միության 2017 թվականի
ապրիլի 11-ին ստորագրված «Եվրասիական տնտեսական միության մաքսային
օրենսգրքի մասին» պայմանագրի 1-ին հավելվածով հաստատված՝ Միության
մաքսային օրենսգրքի 14-րդ հոդվածի 7-րդ կետի 8-րդ ենթակետով, 9-րդ կետի
1-ին ենթակետով, 11-րդ կետի 3-րդ ենթակետով, 56-րդ հոդվածի 3-րդ կետի
3-րդ ենթակետով, 91-րդ հոդվածի 2-րդ կետի 5-րդ ենթակետով, 97-րդ
հոդվածի 2-րդ կետի 4-րդ ենթակետով, 103-րդ հոդվածի 2-րդ կետի 4-րդ

ենթակետի 3-րդ պարբերությամբ, 136-րդ հոդվածի 3-րդ կետի 3-րդ ենթակետով, 4-րդ կետի 5-րդ ենթակետով, 6-րդ կետի 6-րդ ենթակետով, 8-րդ կետի 2-րդ ենթակետով, 137-րդ հոդվածի 2-րդ կետի 1-ին ենթակետով, 153-րդ հոդվածի 3-րդ կետի 6-րդ ենթակետով, 161-րդ հոդվածի 1-ին կետի 7-րդ ենթակետով, 162-րդ հոդվածի 4-րդ կետի 3-րդ ենթակետով, 173-րդ հոդվածի 2-րդ կետի 3-րդ ենթակետով, 174-րդ հոդվածի 2-րդ կետի 5-րդ ենթակետով, 197-րդ հոդվածի 2-րդ կետի 2-րդ ենթակետով, 198-րդ հոդվածի 2-րդ կետի 5-րդ ենթակետով, 3-րդ կետի 2-րդ ենթակետով, 207-րդ հոդվածի 10-րդ կետի 2-րդ ենթակետով, 208-րդ հոդվածի 4-րդ կետի 5-րդ ենթակետով, 215-րդ հոդվածի 7-րդ կետի 2-րդ ենթակետով, 216-րդ հոդվածի 2-րդ կետի 5-րդ ենթակետով, 224-րդ հոդվածի 1-ին կետի 2-րդ ենթակետով, 225-րդ հոդվածի 3-րդ կետի 5-րդ ենթակետով, 241-րդ հոդվածի 2-րդ կետի 4-րդ ենթակետով, 247-րդ հոդվածի 2-րդ կետի 6-րդ ենթակետով, 268-րդ հոդվածի 2-րդ կետի 7-րդ ենթակետով, 13-րդ կետի 4-րդ ենթակետով, 269-րդ հոդվածի 2-րդ կետի 4-րդ ենթակետով, 3-րդ կետի 3-րդ ենթակետով, 279-րդ հոդվածի 2-րդ կետի 7-րդ ենթակետով, 6-րդ կետի 8-րդ ենթակետով, 284-րդ հոդվածի 2-րդ կետի 5-րդ ենթակետով, 288-րդ հոդվածի 2-րդ կետի 4-րդ ենթակետով և 295-րդ հոդվածի 2-րդ կետի 3-րդ ենթակետով սահմանված դրույթները, «Մաքսային կարգավորման մասին» օրենքի 190-րդ հոդվածի 3-րդ մասով սահմանված դրույթները՝ Հայաստանի Հանրապետության կառավարությունը որոշում է.

1.Սահմանել՝ Մաքսային մարմինների կողմից մաքսային հսկողության տակ գտնվող ապրանքների՝ վթարի կամ անհաղթահարելի ուժի ազդեցության հետևանքով ոչնչացման և (կամ) անվերադարձ կորստի փաստը կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքների անվերադարձ կորստի փաստը ճանաչելու կարգը՝ համաձայն հավելվածի,

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՎԱՐՉԱՊԵՏ
ՆԻԿՈԼ ՓԱՇԻՆՅԱՆ

Հավելված
ՀՀ կառավարության 2023 թվականի
-----ի N ----- որոշման

ԿԱՐԳ

**ՄԱՔՍԱՅԻՆ ՄԱՐՄԻՆՆԵՐԻ ԿՈՂՄԻՑ ՄԱՔՍԱՅԻՆ ՀՍԿՈՂՈՒԹՅԱՆ ՏԱԿ ԳՏԵՎՈՂ
ԱՊՐԱՆՔՆԵՐԻ՝ ՎԹԱՐԻ ԿԱՄ ԱՆՀԱՂԹԱՀԱՐԵԼԻ ՈՒԺԻ ԱՉԴԵՑՈՒԹՅԱՆ
ՀԵՏԵՎԱՆՔՈՎ ՈՉՆՉԱՑՄԱՆ ԵՎ (ԿԱՄ) ԱՆՎԵՐԱԴԱՐՁ ԿՈՐՍՏԻ ՓԱՍՏԸ ԿԱՄ
ՓՈԽԱԴՐՄԱՆ (ՏՐԱՆՍՊՈՐՏԱՅԻՆ ՓՈԽԱԴՐՄԱՆ) ԵՎ (ԿԱՄ) ՊԱՀՊԱՆՄԱՆ
ԲՆԱԿԱՆՈՆ ՊԱՅՄԱՆՆԵՐՈՒՄ ԲՆԱԿԱՆ ԿՈՐՍՏԻ ՀԵՏԵՎԱՆՔՈՎ ԱՅԴ
ԱՊՐԱՆՔՆԵՐԻ ԱՆՎԵՐԱԴԱՐՁ ԿՈՐՍՏԻ ՓԱՍՏԸ ՃԱՆԱԳԵԼՈՒ**

1. Սույն կարգը սահմանում է ՀՀ մաքսային մարմինների կողմից մաքսային հսկողության տակ գտնվող ապրանքների՝ վթարի կամ անհաղթահարելի ուժի ազդեցության հետևանքով ոչնչացման և (կամ) անվերադարձ կորստի փաստը կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքների անվերադարձ կորստի փաստը ճանաչելու կարգը:
2. Սույն կարգի կիրառման նպատակներով ՀՀ մաքսային մարմինների կողմից մաքսային հսկողության տակ գտնվող ապրանքների՝ վթարի կամ անհաղթահարելի ուժի ազդեցության հետևանքով ոչնչացման և (կամ) անվերադարձ կորստի փաստը կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքների անվերադարձ կորստի փաստ ասելով հասկացվում է վթարի կամ անհաղթահարելի ուժի ազդեցությամբ կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այնպիսի հանգամանքների վրա հասնելը, ինչի արդյունքում այդպիսի ապրանքները ամբողջությամբ ոչնչացել են և (կամ) անվերադարձ կորսվել են որոշակի գործառնական նշանակություն ունեցող նյութերի ձևավորմամբ կամ առանց դրա, և ամբողջովին կորցրել են իրենց սպառողական հատկանիշները:

Անհաղթահարելի ուժի հանգամանքների թվին են դասվում.

- 1) Տարերային աղետները (երկրաշարժ, սողանք, ջրհեղեղ, փոթորիկ, հրդեհ և այլն),
- 2) Սոցիալական երևույթները (պատերազմ, համաճարակ, տեխնոգեն վթարներ, այլ վթարներ, մարդու կամքից և կառավարումից անկախ առաջացած հանգամանքներ, որոնք հանգեցրել են ապրանքների կորստի կամ ոչնչացման, անասնաբուժական, բուսասանիտարական, հակահամաճարակային, ռադիացիոն կամ այլ հսկողության լիազորությամբ օժտված մարմինների գործողություններ, որոնց արդյունքում ապրանքը ոչնչացել է):

3. Մաքսային հսկողության ներքո գտնվող ապրանքները վթարի կամ

անհաղթահարելի ուժի ազդեցությամբ ոչնչացած և (կամ) անվերադարձ կորսված կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքները անվերադարձ կորսված ճանաչելու նպատակով հայտարարատուն, ապրանքների ստացող կամ իրավատեր հանդիսացող, դրանց նկատմամբ տիրապետման և տնօրինման բավարար իրավունքներ ունեցող անձն (այսուհետև ստացող) այդ ապրանքների նկատմամբ հսկողություն իրականացնող մաքսային մարմին է ներկայացնում ազատ ոճով կազմված դիմում և վթարի կամ անհաղթահարելի ուժի առկայության փաստը և դրա ազդեցությամբ ապրանքների ոչնչացման և (կամ) անվերադարձ կորստի կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքները անվերադարձ կորսված լինելու փաստը հավաստող պետական լիազոր մարմնի կողմից տրված փաստաթղթերը:

4. Դիմումը պետք է պարունակի տեղեկություններ`

- 1) հայտարարատուի կամ ապրանքները ստացող հանդիսացող անձի /այսուհետև Անձ/ անվանման մասին,
- 2) Անձի գտնվելու կամ հաշվառման վայրի մասին,
- 3) Անձի անձնագրային տվյալների կամ ՀՎՀՀ-ի մասին,
- 4) Անձի կոնտակտային տվյալների վերաբերյալ,
- 5) տեղեկություններ վթարի կամ անհաղթահարելի ուժի նկարագրության մասին,
- 6) վթարի կամ անհաղթահարելի ուժի թողած հետևանքների մասին,
- 7) վթարի կամ անհաղթահարելի ուժի թողած հետևանքները կրած ապրանքների մաքսային հսկողության տակ գտնվելու հանգամանքի մասին,
- 8) ապրանքների մաքսային հսկողության տակ գտնվելու հիմք փաստաթղթերի (մաքսային հայտարարագրի կամ մաքսային այլ փաստաթղթերի գրանցման համարները) մասին,
- 9) ոչնչացած և (կամ) անվերադարձ կորսված ապրանքների տեսակների և քանակների (անվանում, քաշ, քանակ, արժեք, ԱՏԳ ԱԱ ծածկագիր, եթե առկա է, բացառությամբ անձնական օգտագործման ապրանքների համար) մասին,
- 11) փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հնարավորություն նախատեսող նորմատիվ իրավական ակտերի (առկայության դեպքում), բնական կորստի հասցրած հանգամանքերի, այդ թվում տրանսպորտային փոխադրման տեսակի և երթուղու և պահպանման պայմանների վերաբերյալ տեղեկությունները,
- 10) դիմումին կից ներկայացվող փաստաթղթերի անվանումների և

քանակների մասին:

5. Դիմումին կից ներկայացվում են՝

- «Մաքսային տարանցում» մաքսային ընթացակարգի ներքո գտնվող ապրանքների համար՝ վթարի կամ կամ անհաղթահարելի ուժի առկայության փաստի վերաբերյալ առողջապահության, արտակարգ իրավիճակների, ճանապարհային երթևեկության կամ այլ ոլորտում պետական լիազոր մարմնի կողմից տրված փաստաթղթերը, ինչպես նաև ԵԱՏՄ Մաքսային օրենսգրքի 149-րդ հոդվածի 2-րդ մասով և ԵԱՏՄ Հանձնաժողովի կողմից 2017 թվականի դեկտեմբերի 13-ի թիվ 170-րդ որոշմամբ սահմանված՝ «մաքսային տարանցում» մաքսային ընթացակարգին համապատասխան ապրանքների փոխադրման ժամանակ առաջացած վթարի, անհաղթահարելի ուժի ազդեցության կամ այլ հանգամանքների դեպքում մաքսային գործառնությունների իրականացման կարգով նախատեսված փաստաթղթերը:
- Անասնաբուժական, բուսասանիտարական, հակահամաճարակային, ռադիացիոն կամ այլ հսկողության լիազորությամբ օժտված մարմինների կողմից ոչնչացված ապրանքների համար՝ անասնաբուժական, բուսասանիտարական, հակահամաճարակային, ռադիացիոն կամ այլ հսկողության լիազորությամբ օժտված մարմինների տրամադրած փաստաթուղթը՝ որով հաստատվում է այդպիսի մարմնի կողմից այդ ապրանքների ոչնչացման փաստը՝ նշելով նաև տեղեկատվություն ոչնչացած և (կամ) անվերադարձ կորսված ապրանքների տեսակների և քանակների մասին:
- Սույն կարգի 5-րդ կետի 1-ին և 2-րդ ենթակետերով չնշված ապրանքների համար՝ վթարի կամ կամ անհաղթահարելի ուժի առկայության փաստի վերաբերյալ առողջապահության, արտակարգ իրավիճակների, ճանապարհային երթևեկության կամ այլ ոլորտում պետական լիազոր մարմնի կողմից տրված փաստաթղթերը, որոնցում առկա են տեղեկություններ ոչնչացած և (կամ) անվերադարձ կորսված ապրանքների տեսակների և քանակների մասին, փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի փաստը (նպատակային նշանակությանը համապատասխան դրանց կիրառելիության անհնարինության, ապրանքային տեսքի և նշանակության կորստի, շահավետ եղանակով նախնական կամ որևէ այլ նշանակությամբ կիրառելու նպատակով վերականգնման անհնարինության և աննպատակահարմարության փաստը, բնական կորստի հասցրած հանգամանքերը հավաստող փաստաթղթեր, փորձագիտական եզրակացություններ, համապատասխան տեղեկատվության տիրապետող պետական և տեղական ինքնակառավարման մարմնի գրություններ, տեղեկանքներ, լուսանկարներ, բնական կորստի ենթարկված ապրանքների՝ բնական կորստի սահմանված նորմերին համապատասխանության վերաբերյալ դիմումատուի կողմից գրավոր ստորագրված հաշվարկ-աղյուսակ և այլ փաստաթղթեր)

հաստատող տեղեկություններ.

6. Հսկողություն իրականացնող մաքսային մարմինը դիմումը և սույն կարգով նախատեսված փաստաթղթերը ստանալուց հետո տասնօրյա ժամկետում իրականացնում է վարույթ, ինչի արդյունքում ընդունում է ներքոբերյալ որոշումներից որևէ մեկը՝ նշելով այդպիսի որոշման կայացման հիմքերն ու հանգամանքները.

- Մաքսային հսկողության տակ գտնվող ապրանքների՝ վթարի կամ անհաղթահարելի ուժի ազդեցության հետևանքով ոչնչացման և (կամ) անվերադարձ կորստի փաստը կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքների անվերադարձ կորստի փաստը ճանաչելու մասին, եթե ներկայացված փաստաթղթերն ու տեղեկությունները հավաստում են այդպիսի փաստի առկայությունը, ինչը հաստատվում կամ չի հերքվում իրականացված մաքսային հսկողության արդյունքներով:

Եթե մաքսային մարմնի կողմից որոշում կայացնելու համար անհրաժեշտություն է առաջանում ԵԱՏՄ մաքսային օրենսգրքով նախատեսված մաքսային հսկողության ձևերի և (կամ) մաքսային հսկողության իրականացումն ապահովող միջոցների կիրառման, ապա որոշման կայացման ժամկետը երկարացվում է վերոհիշյալ միջոցների կիրառման համար անհրաժեշտ ժամկետի չափով,

- Մաքսային հսկողության տակ գտնվող ապրանքների՝ վթարի կամ անհաղթահարելի ուժի ազդեցության հետևանքով ոչնչացման և (կամ) անվերադարձ կորստի փաստը կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքների անվերադարձ կորստի փաստի ճանաչումը մերժելու մասին, եթե ներկայացված փաստաթղթերն ու տեղեկությունները չեն հավաստում կորստի փաստը և օբյեկտիվորեն բավարար չեն վթարի կամ անհաղթահարելի ուժի ազդեցության հետևանքով ոչնչացման և (կամ) անվերադարձ կորստի փաստը կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքների անվերադարձ կորստի փաստը ճանաչելու համար կամ վթարի կամ անհաղթահարելի ուժի ազդեցության հետևանքով ոչնչացման և (կամ) ապրանքների անվերադարձ կորստի փաստը կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքների անվերադարձ կորստի փաստը հերքվել է իրականացված մաքսային հսկողության արդյունքներով:

Նշված որոշման կայացման դեպքում՝ դիմումատուին է ներկայացվում նաև տեղեկատվություն՝ մաքսային հսկողության տակ գտնվող օտարերկրյա ապրանքների՝ վթարի կամ անհաղթահարելի ուժի ազդեցության հետևանքով ոչնչացման և (կամ) անվերադարձ կորստի փաստը կամ փոխադրման (տրանսպորտային փոխադրման) և (կամ) պահպանման բնականոն պայմաններում բնական կորստի հետևանքով այդ ապրանքների անվերադարձ կորստի փաստը ճանաչելու համար անհրաժեշտ փաստաթղթերի և

տեղեկությունների մասին:

7. Կայացված որոշումների մասին մաքսային մարմինը գրավոր տեղեկացնում է դիմումատուին՝ որոշման կայացման պահից եռօրյա ժամկետում:
8. Կայացրած որոշումը կարող է բողոքարկվել վերադասության և (կամ) դատական կարգով: